

“Trastbank” xususiy aksiyadorlik banki tomonidan
jismoniy shaxslarga avtomobil sotib olishga
kredit berish tartibi to‘g‘risida nizom’ga
4-ilova

Kreditning to‘liq qiymati:
____ (_____) foiz

Avtotransport vositasini xarid qilish uchun avtokredit berish to‘g‘risida KREDIT SHARTNOMASI

20__ yil “__” _____ N _____ shahri

“Trastbank” xususiy aksiyadorlik banki (keyingi o‘rinlarda – «Bank» deb yuritiladi) nomidan 20__ yil “__” _____dagi _____ - sonli ishonchnoma asosida harakat qiluvchi _____ bank xizmatlari ofisi (bank xizmatlari markazi) boshqaruvchisi (boshlig‘i) bir tarafdin, jismoniy shaxs _____ (____.____.20__da tug‘ilgan, pasport yoki ID-karta _____, JSHSHIR_____), (keyingi o‘rinlarda – Qarz oluvchi), ikkinchi tarafdin, va jismoniy shaxs _____ (____.____.20__da tug‘ilgan, pasport yoki ID-karta _____, JSHSHIR_____), (keyingi o‘rinlarda – Birgalikda qarzidor), uchinchi tarafdin, mazkur Shartnomani quyidagilar haqida tuzdik.

1-§. ASOSIY TUSHUNCHALAR

1.1 Mazkur shartnoma matni bo‘yicha keyingi o‘rinlarda uchraydigan barcha atamalar, agar kontekstdan boshqacha ma’no anglashilmasa ushbu bo‘limda bayon qilingan ma’nolarni anglatadi:

avtokredit — Bank tomonidan jismoniy shaxsga avtotransport vositasini sotib olish maqsadida uning iste’mol ehtiyojlarini qondirish uchun to‘lovlilik, muddatlilik, maqsadli foydalanish, qaytarish va ta’minlash shartlari asosida beriladigan kredit;

kredit obyekti — kredit hisobidan sotib olinadigan tegishli rusumdagi avtotransport vositasi;

ariza beruvchi — O‘zbekiston Respublikasi yoki xorijda ishlab chiqarilgan avtotransport vositalarini sotib olish maqsadida avtokredit olish uchun bankka ariza taqdim etgan O‘zbekiston Respublikasi fuqarosi;

qarz oluvchi — O‘zbekiston Respublikasi yoki xorijda ishlab chiqarilgan avtotransport vositalarini sotib olish uchun avtokredit olgan va kredit shartnomasida belgilangan shartlarda qaytarish majburiyatini ega bo‘lgan O‘zbekiston Respublikasi fuqarosi;

birgalikda qarz oluvchi — qarz oluvchining avtokrediti asosiy summasi va kredit bo‘yicha hisoblangan foizlarning har oydagi to‘lovlarida qatnashadigan, shuningdek, avtokredit bo‘yicha solidar javob beradigan jismoniy shaxslar;

boshlang‘ich badal — sotib olinadigan avtotransport vositasi qiymatining avtokredit olish uchun qarz oluvchi tomonidan o‘z mablag‘lari va qonunchilik hujjatlarida taqiqlanmagan boshqa manbalar hisobidan belgilangan me’yorlarda shakllantiriladigan qismi;

sotuvchi – avtotransport vositasini, shu jumladan kredit mablag‘lari hisobidan sotib olinadigan avtotransport vositalarini sotadigan yuridik shaxs (avtosalon), jismoniy shaxs yoki “e-auksion” platformasi.

kredit ta‘minoti – kredit hisobiga sotib olinadigan avtotransport vositasi yoki boshqa mol-mulk;

kreditning to‘liq qiymati — kredit bilan bog‘liq to‘lovlarining haqqoniy, yillik va samarali hisoblashdagi foiz stavkasi hamda to‘liq qiymati.

2. SHARTNOMA PREDMETI

2.1. Bank mazkur Shartnoma shartlariga muvofiq Qarz oluvchiga _____ rusumli avtotransport vositasini sotib olish uchun _____ (so‘z bilan) so‘m miqdorida avtokredit ajratish majburiyatini oladi, Qarz oluvchi (Birgalikda qarz oluvchi) esa o‘z navbatida olingan pul mablag‘larini belgilangan muddatlarda qaytarish va pul mablag‘laridan foydalanganligi uchun foizlar to‘lash majburiyatini oladi.

2.2 Bank Qarz oluvchi arizasi asosida sotuvchining hisobvarag‘iga kreditga sotib olinayotgan avtomobil uchun to‘lovni naqd pulsiz shaklda amalga oshiradi.

2.3 Qarz oluvchi tomonidan olingan kredit hisobini yuritish uchun Bank unga tegishli kredit hisobvarag‘i ochadi.

2.4 Kreditdan foydalanish jarayonida Qarz oluvchi (Birgalikda qarz oluvchi) kreditlarni qaytarilishi, to‘lovliligi, muddatliligi va ta‘minlanganligi kabi kredit berish tamoyillariga rioya qilishni o‘z zimmasiga oladi.

3. QARZDOR / BIRGALIKDA QARZ OLUVCHINING TASDIQLARI VA KAFOLATLARI

3.1 Qarz oluvchi (Birgalikda qarz oluvchi) ushbu bilan quyidagilarni tasdiqlaydi:

a) Bankga taqdim etilgan/etiladigan hamma hujjatlar va ma‘lumotlar haqiqiyliги, qonuniyligi va ishonchliligini;

b) Qarz oluvchi (Birgalikda qarz oluvchi)ga nisbatan ma‘muriy yoki jinoyat ishi qo‘zg‘atilmaganligini;

c) mazkur Shartnoma aldash, zo‘rluk, qo‘rqitish yoki og‘ir holatlar yuz berishi ta‘sirida tuzilmaganligini;

d) mazkur Shartnomani tuzish va uning shartlarini bajarishga layoqatliligini;

e) mazkur Shartnomaning matni bilan tanishib chiqqanliklari, barcha shartlari, shu jumladan huquq va majburiyatlari, kreditning qaytarish tartibi, nazarda tutilgan to‘lovlarning miqdori, mazkur to‘lovlarni amalga oshirish tartibi ikki tomonning roziligi asosida kelishilganini va ularning manfaatlari va huquqlarini cheklamaganligini.

4. KREDIT AJRATISH TARTIBI

4.1 Mazkur Shartnoma bo‘yicha kreditdan foydalanish muddati _____ oyni tashkil qiladi.

4.2 Imtiyozli davr _____ oyni tashkil etadi va mazkur Shartnoma bo‘yicha kredit berilgan kundan boshlab hisoblanadi.

4.3 Bankning avtokredit ajratish bo‘yicha majburiyati Qarz oluvchi (Birgalikda qarz oluvchi) tomonidan quyidagi harakatlar bajarilgandan so‘ng vujudga keladi:

a) Bankda depozit hisobraqam ochish va boshlang‘ich badal summasini o‘z mablag‘lari hisobidan tegishli hisobraqamda to‘liq shakllantirish. Boshlang‘ich badal - sotib olinadigan

avtotransport vositasi umumiy qiymatining __%, ya'ni _____ (so'zlar bilan _____ so'm _____ tiyin) so'mni tashkil etadi;

b) avtotransport vositasi oldi-sotdi shartnomasining asl nusxasini taqdim qilish;

c) kredit ta'minoti sifatida kredit qaytmasligi xataridan sug'urtalash bo'yicha sug'urta shartnomasini rasmiylashtirish va sug'urta polisini taqdim qilish;

4.4 Bank Qarz oluvchi (Birgalikda qarz oluvchi) dan to'lov qobiliyati, kreditni qaytarish kafolatlarining ishonchliligini tasdiqlovchi va kredit ajratish uchun zarur bo'lgan boshqa hujjatlarni taqdim etishni talab qilishi mumkin.

4.5 Qarz oluvchi (Birgalikda qarz oluvchi) tomonidan mazkur Shartnomaning 4.3 va 4.4-bandlarida nazarda tutilgan majburiyatlar lozim darajada to'liq bajarilganidan so'ng Qarz oluvchining topshirig'iga asosan Bank tomonidan kredit mablag'lari _____ (____) ish kuni ichida sotuvchining hisobvarag'iga naqd pulsiz shaklda pul o'tkazish yo'li bilan o'tkazib beriladi.

4.6 Bank Qarz oluvchi (Birgalikda qarz oluvchi) tomonidan taqdim qilingan hujjatlarda kamchiliklar aniqlangan holatlarda mazkur kamchiliklar to'liq bartaraf etilmaganiga qadar kreditlashni to'xtatib turish huquqiga ega.

4.7 Kreditni ajratilishining haqiqiy sanasi Qarz oluvchining topshirig'iga asosan Bank tomonidan sotuvchining hisobvarag'iga pul mablag'larini o'tkazib berish (ko'chirish) sanasi hisoblanadi.

5. KREDIT MABLAG'LARIDAN FOYDALANGANLIK UCHUN FOIZLAR

5.1 Kredit mablag'laridan foydalanganlik uchun foizlar yillik ____% miqdorida belgilanadi.

5.2. Mazkur Shartnoma bo'yicha foizlar kredit valyutasida to'lanadi.

5.3 Kreditdan foydalanganlik uchun foizlar kredit mablag'lari Sotuvchining hisobvarag'iga o'tkazib berilgan kundan boshlab hisoblanadi va Qarz oluvchi (Birgalikda qarz oluvchi) tomonidan ushbu Shartnoma shartlari va ushbu Shartnomaning ajralmas qismi (___ - sonli ilova) hisoblangan Kreditni qaytarish (to'lash) jadvaliga muvofiq to'lab boriladi.

5.4 Foizlar har kuni yillik bazaviy davr — 365 kundan kelib chiqqan holda asosiy qarzning qoldig'i bo'yicha hisoblanadi.

5.5 Qarz oluvchining tashabbusi bilan mazkur Shartnoma shartlari qayta ko'rib chiqilgan taqdirda, Bank tomonidan belgilangan tariflarga muvofiq komissiya undiriladi. Shartnoma shartlari komissiya to'langanidan keyin qayta ko'rib chiqiladi.

6. KREDITNI TO'LASH MUDDATI VA TARTIBI

6.1 Qarz oluvchi (Birgalikda qarz oluvchi) kredit bo'yicha hisoblangan foizlar va asosiy qarz summasini Shartnomaning ___-ilovasida keltirilgan Kreditni to'lash (qaytarish) jadvaliga muvofiq belgilangan miqdor va muddatlarda amalga oshiradi.

6.2 Kredit bo'yicha asosiy qarz va hisoblangan foizlar bo'yicha barcha to'lovlar Qarz oluvchi (Birgalikda qarz oluvchi) kredit valyutasida amalga oshiriladi.

6.3 Kredit to'lovlari bo'yicha differensial / annuitet to'lovlar tartibi tatbiq etiladi.

(to'lov tartibini belgilang)

6.4 Kredit bo'yicha asosiy qarz va hisoblangan foizlar bo'yicha barcha to'lovlarni amalga oshirish muddati ish kuni bo'lmagan kunga to'g'ri kelsa, u keyingi ish kuniga o'tkaziladi. Bunda kredit bo'yicha foizlar miqdori mos ravishda qayta hisoblab chiqiladi.

6.6 Agar Qarz oluvchi (Birgalikda qarz oluvchi) tomonidan ushbu Shartnoma bo'yicha

amalga oshirilgan to'lov summasi Shartnoma bo'yicha majburiyatlarni bajarish uchun yetarli bo'lmasa, qarz oluvchining qarzi quyidagi navbatda qoplanadi:

1) asosiy qarz bo'yicha muddati o'tgan qarzdorlik va muddati o'tgan foiz to'lovlari mutanosib ravishda;

2) joriy davr uchun hisoblangan foizlar va joriy davr uchun asosiy qarz bo'yicha qarzdorlik;

3) neustoyka (jarima, penya);

4) Bankning qarzdorlikni uzish bilan bog'liq bo'lgan boshqa xarajatlari.

6.7 Kredit bo'yicha joriy to'lov uchun Qarz oluvchi (Birgalikda qarz oluvchi) dan Kreditni to'lash (qaytarish) jadvalida nazarda tutilgan miqdordan ko'proq miqdorda mablag' kelib tushgan taqdirda, Bank mazkur mablag'larning ortiqcha qismini Qarz oluvchi (Birgalikda qarz oluvchi) ning murojaatiga asosan kreditning asosiy qarzini yopish uchun yo'naltiradi.

6.8 Qarz oluvchi (Birgalikda qarz oluvchi) kredit qarzdorligini to'liq yoki qisman muddatidan oldin qoplash (to'lash) huquqiga ega.

6.9 Kreditni qisman yoki to'liq qoplash (yopish)ga jarimalar undirilmasdan yo'l qo'yiladi.

6.10 Qarz oluvchi (Birgalikda qarz oluvchi) tomonidan kredit bo'yicha muddatli qarzni muddatidan oldin qisman yopishga yuborilgan to'lovlar Kreditni to'lash (qaytarish) jadvalida belgilangan muddatlarga yaqin bo'lgan to'lovlar uchun hisobga olinadi.

6.11 Kreditni muddatidan oldin to'liq so'ndirish (qoplash) kredit bo'yicha hisoblangan foizlarni va kreditni to'liq so'ndirish (qoplash) sanasida hisoblangan boshqa to'lovlarni to'liq so'ndirish (qoplash) bilan bir vaqtda amalga oshiriladi.

6.12 Qarz oluvchi (Birgalikda qarz oluvchi) Bankning birinchi talabiga binoan mazkur Shartnoma hamda unga tegishli hujjatlar ijrosisini amalga oshirish bilan bog'liq barcha xarajatlarni qoplaydi.

6.13 Qarz oluvchi (Birgalikda qarz oluvchi) tomonidan oylik to'lovlarni, shu jumladan hisoblangan foizlar summasini, asosiy qarz va mazkur shartnoma bo'yicha boshqa to'lovlarni to'lash Qarz oluvchi (Birgalikda qarz oluvchi) yoki uning vakolatli vakili tomonidan istalgan Bank ofislarida, shuningdek, mobil ilovalar, to'lov terminallari (infokiosklar), to'lov tizimlari orqali to'lovni amalga oshirish, Bank yoki boshqa banklarning kassasi orqali bank o'tkazmasi yoki Qarz oluvchi (Birgalikda qarz oluvchi)ning Bankda ochilgan barcha hisobvaraqlaridan tegishli summani yechib olish yo'li bilan to'lanishi mumkin.

6.14 Qarz oluvchi (Birgalikda qarz oluvchi) Bankga Shartnoma bo'yicha o'z majburiyatlarini bajarmagan va/yoki lozim darajada bajarmagan taqdirda Qarz oluvchi (Birgalikda qarz oluvchi)ning O'zbekiston Respublikasi tijorat banklarida ochilgan bank hisobvaraqlari va (yoki) bank omonatlari (shu jumladan, bank kartalari)dan Qarz oluvchi (Birgalikda qarz oluvchi)ning mazkur Shartnoma bo'yicha majburiyatlarini bajarish uchun zarur bo'lgan pul mablag'larini qaytarib olinmaydigan, so'zsiz va akseptsiz yechib olish/undirish/hisobdan chiqarish huquqini beradi.

7. KREDITNING QAYTARILISHINI TA'MINLASH

7.1 Avtokredit hisobiga sotib olinayotgan avtotransport vositasi Qarz oluvchi nomiga rasmiylashtirilib, garovga taqdim etilgunga qadar, mazkur Shartnoma o'z majburiyatlarining bajarilishini ta'minlash maqsadida Qarz oluvchi (Birgalikda qarz oluvchi) mazkur Shartnoma imzolangan kundan boshlab _____ (_____) kun muddat ichida kredit umumiy miqdorining kamida _____% miqdorida (*bankning ichki me'yoriy hujjatlari va moliyalashtirish shartlariga muvofiq belgilanadi*) ta'minot taqdim etadi va rasmiylashtiradi, shu jumladan:

1. kredit qaytmasligi xataridan sug'urtalash bo'yicha sug'urta polisi

2. _____

Qarz oluvchi kredit hisobiga sotib olingan avtotransport vositasi o'rnatilgan tartibda davlat ro'yxatidan o'tkazilgan va avtotransport vositasiga nisbatan Qarz oluvchining egalik huquqini tasdiqlovchi hujjatlar rasmiylashtirilgan kundan boshlab 10 (o'n) kun muddat ichida _____ rusumli avtotransport vositasini garovga taqdim qilish majburiyatini oladi.

7.2 Qarz oluvchi Bank bilan amaldagi qonunchilikka muvofiq Bankni qanoatlantiradigan shakl va mazmunda garov shartnomasini tuzish majburiyatini oladi. Tomonlarning kelishuviga asosan garov shartnomasi notarial tasdiqlanishi mumkin (agar avtomobil birlamchi bozordan sotib olingan bo'lsa, Bank tomonidan ajratiladigan avtokredit bo'yicha ushbu avtomobilning o'zi garovga olinganda garov shartnomasi notarial tartibda tasdiqlanmaydi).

7.3 Qarz oluvchi kredit bo'yicha ta'minot sifatida taqdim qilingan avtotransport vositasini yo'qotilishi (nobud bo'lishi), kamomadi yoki shikastlanishi xavfidan butun kredit muddati davomida sug'urta qilinish majburiyatini oladi. Sug'urta hodisasi yuz berganda Naf oluvchi Bank hisoblanadi.

7.4 Kreditning qaytarilishini ta'minlash uchun barcha hujjatlarni rasmiylashtirish bo'yicha har qanday xarajatlarni Qarz oluvchi (Birgalikda qarz oluvchi) o'z zimmasiga oladi.

7.5 Garov/ta'minotning aniq shartlari O'zbekiston Respublikasining amaldagi qonunchiligiga muvofiq rasmiylashtirilgan garov shartnomasida belgilanadi.

7.6 Kredit bo'yicha ta'minot sifatida taqdim qilingan mulkning qadr, qiymati va likvidligi yoqolganda; bozor narxi sezilarli pasayganda; Qarz oluvchi (Birgalikda qarz oluvchi) majburiyatlarini bajarmasligi xavfini orttiruvchi boshqa omillar yuzaga kelganda Qarz oluvchi (Birgalikda qarz oluvchi) Bankni qanoatlantiradigan qo'shimcha ta'minotni taqdim etish majburiyatini oladi.

7.7 Qarz oluvchi (Birgalikda qarz oluvchi)ning majburiyatlarini bajarish uchun bir nechta ta'minotlar mavjud bo'lishi bir-biriga zid hisoblanmaydi, majburiyatlarni bajarishning har bir usuli mustaqil va bir-biriga bog'liq bo'lmaydi. Majburiyatlarning bajarilishini ta'minlash usullari bo'yicha undirish zarurati tug'ilganda, tanlash huquqi Bankda qoladi, Bank o'z xohishiga ko'ra majburiyatlarning bajarilishini ta'minlashning har qanday usullari yoki barcha usullari bo'yicha talablar qo'yishi mumkin.

7.8 Agar mazkur Shartnoma amal qilish muddati davomida garovga qo'yilgan mulkning garov qiymati garov mulki yo'qotilishi, nobud bo'lishi, shikastlanishi, yoki talon-taroj qilinishi natijasida, shuningdek Bankga bog'liq bo'lmagan boshqa sabablarga ko'ra Qarz oluvchi (Birgalikda qarz oluvchi)ning majburiyatlaridan kam qiymatga ega bo'lsa, Qarz oluvchi (Birgalikda qarz oluvchi) Bankning tegishli talabnomasini olgan kundan boshlab 10 (o'n) ish kuni ichida garov bilan ta'minlanmagan kredit summasini muddatidan oldin qoplashga yoki garov mulkini almashtirish va boshqa ekvivalent ta'minotni taqdim etishga majburdir.

7.9 Agar Qarz oluvchi (Birgalikda qarz oluvchi) mazkur Shartnomada belgilangan shartlar va muddatlarda asosiy qarz, hisoblangan foizlar, penya va/yoki komissiya to'lovlarini amalga oshira olmaydigan vaziyat yuzaga kelsa, amaldagi qonunchilik, mazkur Shartnoma va garov shartnomalariga muvofiq Bank garov va/yoki uning qismlariga undirish/ undiruv qaratish bo'yicha shartsiz va so'zsiz huquqqa ega bo'ladi.

8. TOMONLARNING HUQUQ VA MAJBURIYATLARI

8.1. Bank quyidagi huquqlarga ega:

a) Mazkur Shartnoma imzolangan kundan boshlab 30 (o'ttiz) kun muddat ichida Qarz oluvchi (Birgalikda qarz oluvchi) tomonidan mazkur Shartnomaning 4.3 va 4.4-bandlarida nazarda tutilgan majburiyatlar lozim darajada to'liq bajarilmaganida, Qarz oluvchi (Birgalikda qarz oluvchi) tomonidan boshlang'ich badal to'liq shakllantirilmaganligida, kredit berish uchun Shartnomada ko'rsatilgan hujjatlar taqdim qilinmaganida, Shartnoma imzolangandan keyin kreditni qaytarishga ta'sir qiladigan ishonchsiz va soxta ma'lumotlar taqdim qilingani aniqlanganda kredit berishni rad etish va shartnomani bekor qilish haqida ikkinchi tarafni yozma ravishda xabardor etish orqali Shartnomani bir tomonlama bekor qilish;

b) Qarz oluvchi (Birgalikda qarz oluvchi)dan shartnoma bo'yicha majburiyatlarni o'z vaqtida va lozim darajada bajarishni talab qilish;

c) joyiga chiqqan holda garov mulkining holati va saqlanishi yuzasidan tekshiruv (monitoring)ni amalga oshirish. Bu kabi tekshirishlarni o'tkazish davriyligi Bank tomonidan belgilanadi;

d) Qarz oluvchi (Birgalikda qarz oluvchi) kredit shartnomasi bo'yicha qarzning asosiy summasini qaytarish va (yoki) foizlarni to'lash muddatlarini buzganda kredit shartnomasida nazarda tutilgan usulda nizoni sudgacha hal qilish yuzasidan talabnoma yuborish;

e) Qarz oluvchi (Birgalikda qarz oluvchi) Shartnoma bo'yicha o'z majburiyatlarini bajarmagan va/yoki lozim darajada bajarmagan taqdirda Qarz oluvchi (Birgalikda qarz oluvchi)ning O'zbekiston Respublikasi tijorat banklarida ochilgan bank hisobvaraqlari va (yoki) bank omonatlari (shu jumladan, bank kartalari)dan Qarz oluvchi (Birgalikda qarz oluvchi)ning mazkur Shartnoma bo'yicha majburiyatlarini bajarish uchun zarur bo'lgan pul mablag'larini so'zsiz va akseptsiz yechib olish/undirish/hisobdan chiqarish;

f) kredit bo'yicha ta'minot sifatida taqdim qilingan mulkning qadr, qiymati va likvidligi yo'qolganda; bozor narxi sezilarli pasayganda, Qarz oluvchi (Birgalikda qarz oluvchi) majburiyatlarini bajarmasligi xavfini orttiruvchi boshqa omillar yuzaga kelganda Qarz oluvchi (Birgalikda qarz oluvchi) Bankni qanoatlantiradigan qo'shimcha ta'minotni taqdim etishni talab qilish;

g) agar mazkur Shartnoma amal qilish qilish muddatida garov sifatida taqdim etilgan mol-mulkning garov qiymati garov mulki yo'qotilishi, nobud bo'lishi, shikastlanishi yoki talon-taroj qilinishi natijasida, shuningdek Bankga bog'liq bo'lmagan boshqa sabablarga ko'ra Qarz oluvchi (Birgalikda qarz oluvchi)ning majburiyatlari miqdoridan kamaysa, Qarz oluvchi (Birgalikda qarz oluvchi)dan garovni almashtirish, boshqa ekvivalent garov bilan ta'minlash yoki kreditning ta'minlanmagan miqdorini muddatidan oldin to'lashni talab qilish;

h) mazkur Shartnomada va amaldagi qonun hujjatlarida belgilangan tartibda, Qarz oluvchidan kreditning hammasini yoki uning bir qismini muddatidan oldin qaytarishni talab qilish / sud tartibida muddatidan oldin undirish;

i) garov shartnomasida belgilangan tartibda va amaldagi qonun hujjatlariga asosan undirishni kredit bo'yicha ta'minotga qaratish;

j) kredit hisobiga sotib olingan avtotransport vositasi o'rnatilgan tartibda davlat ro'yxatidan o'tkazilgan va avtotransport vositasiga nisbatan Qarz oluvchining egalik huquqini tasdiqlovchi hujjatlar rasmiylashtirilgan kundan boshlab 10 (o'n) kun muddat ichida avtotransport vositasini garovga taqdim qilishni Qarz oluvchi (Birgalikda qarz oluvchi)dan talab qilish;

k) garov mulki bo'yicha garov reestriga yozuvlar kiritish va garov mulkiga nisbatan taqiq qo'yish;

l) mazkur Shartnoma va O'zbekiston Respublikasining amaldagi qonunchiligida nazarda tutilgan boshqa huquqlarni amalga oshirish.

8.2 Quyidagi holatlarning har biri kreditni muddatidan oldin to'liq undirishga asos bo'lib hisoblanadi:

a) Qarz oluvchi (Birgalikda qarz oluvchi) mazkur Shartnoma bo'yicha kredit qarzdorligini to'lash bo'yicha o'z majburiyatlarini Kreditni qaytarish (to'lash) jadvalida belgilangan muddatlarda lozim darajada bajarmaganda (asosiy qarz, hisoblangan foizlar va boshqa to'lovlar) va mazkur qarzdorlik yuzaga kelgan kundan boshlab 30 (o'ttiz) kalendar kun davom etganda;

b) Qarz oluvchi (Birgalikda qarz oluvchi) ushbu Shartnoma bo'yicha o'z majburiyatlarini (qarzdorlikni to'lash majburiyatidan tashqari) lozim darajada bajarilishi lozimligi to'g'risida bildirishnoma (talabnoma) yuborilgan kundan boshlab 15 (o'n besh) kalendar kun ichida lozim darajada bajarmasa.

8.3. Qarz oluvchi (Birgalikda qarz oluvchi) quyidagi huquqlarga ega:

a) mazkur Shartnomada nazarda tutilgan shartlar va miqdorlarda kredit olish;

b) o'z huquq va majburiyatlari to'g'risida, shu jumladan avtokredit olish bilan bog'liq barcha xarajatlar haqida ishonchli hamda to'liq axborot olish;

c) kredit mablag'lari Sotuvchining hisobvarag'iga o'tkazib berilguniga qadar kredit mablag'larini olishdan bepul voz kechish. Bunda, voz kechish kunigacha qilingan xarajatlar Qarz oluvchi(Birgalikda qarz oluvchi) zimmasida qoladi;

d) mazkur Shartnoma bo'yicha olingan kredit summasini qisman yoki to'liq muddatidan oldin qaytarish.

8.4. Bank quyidagi majburiyatlarni o'z zimmasiga oladi:

a) Qarz oluvchi (Birgalikda qarz oluvchi)ning huquq va majburiyatlari to'g'risida, shu jumladan kredit berish bilan bog'liq barcha xarajatlar haqida Qarz oluvchi (Birgalikda qarz oluvchi)chiga ishonchli hamda to'liq axborotni taqdim qilish;

b) Qarz oluvchi (Birgalikda qarz oluvchi) tomonidan mazkur Shartnomada nazarda tutilgan barcha majburiyatlar lozim darajada to'liq bajarilganidan so'ng kredit mablag'larini ajratish;

c) muddati o'tkazib yuborilgan qarzdorlik yuzaga kelganda, Qarz oluvchi (Birgalikda qarz oluvchi) bilan kelishilgan usulda, shu jumladan elektron aloqa vositalaridan yoki boshqa usullardan foydalanib Qarz oluvchi (Birgalikda qarz oluvchi)ga muddati o'tkazib yuborilgan qarzdorlik yuzaga kelganligi haqida ogohlantirish;

d) mazkur Shartnomada ko'rsatilgan holatlarda kredit berishni rad etish to'g'risida qaror qabul qilinganligi, uning sabablari hamda shartnomani bir tomonlama bekor qilish haqida Qarz oluvchi (Birgalikda qarz oluvchi)ni yozma ravishda xabardor qilish;

e) Qarz oluvchi (Birgalikda qarz oluvchi) shartnoma bo'yicha barcha to'lov majburiyatini to'liq bajargan sanadan boshlab uch ish kunidan kechiktirmagan holda mazkur kredit bo'yicha garov mulkini ta'qiqdan chiqarish hamda garov mulkiga nisbatan bankning huquqlari to'g'risidagi yozuvni garov reestrndan o'chirish.

f) Qarz oluvchi (Birgalikda qarz oluvchi)ning bank kartasi (omonat va boshqa depozit) hisobvarag'idan mablag' qarzdor/mijoz (birgalikda qarzdor) topshirig'isiz hisobdan chiqarilganda, mablag' hisobdan chiqarilgan sanadan boshlab keyingi ish kunidan kechiktirmagan holda qarzdonga/mijozga (kafilga) uning bank kartasi (omonat va boshqa depozit) hisobvarag'idan qancha miqdordagi mablag' qanday sababga asosan Bank foydasiga undirilganligi ko'rsatilgan holda SMS xabarnoma yuborish.

8.5 Qarz oluvchi (Birgalikda qarz oluvchi) ning majburiyatlari:

a) kredit bo'yicha ta'minot sifatida taqdim qilingan avtotransport vositasi yo'qotilishi (nobud bo'lishi), kamomadi yoki shikastlanishi xavfidan butun kredit muddati davomida sug'urtalash.

b) Bankda depozit hisobraqam ochish va boshlang'ich badal summasini o'z mablag'lari hisobidan tegishli hisobraqamda to'liq shakllantirish.

c) kredit hisobiga sotib olingan avtotransport vositasi o'rnatilgan tartibda davlat ro'yxatidan o'tkazilgan va avtotransport vositasiga nisbatan Qarz oluvchining egalik huquqini tasdiqlovchi hujjatlar rasmiylashtirilgan kundan boshlab 10 (o'n) kun muddat ichida avtotransport vositasini garovga taqdim qilish;

d) mazkur Shartnoma shartlari va Kreditni to'lash (qaytarish) jadvaliga muvofiq kreditni belgilangan muddatlarda to'lash, Bank bilan o'z vaqtida hisob-kitoblarni amalga oshirish;

e) Bankga Shartnoma bo'yicha o'z majburiyatlarini bajarmagan va/yoki lozim darajada bajarmagan taqdirda Qarz oluvchi (Birgalikda qarz oluvchi)ning O'zbekiston Respublikasi tijorat banklarida ochilgan bank hisobvaraqlari va (yoki) bank omonatlari (shu jumladan, bank kartalari)dan Qarz oluvchi (Birgalikda qarz oluvchi)ning mazkur Shartnoma bo'yicha majburiyatlarini bajarish uchun zarur bo'lgan pul mablag'larini qaytarib olinmaydigan, so'zsiz va akseptsiz yechib olish/undirish/hisobdan chiqarish huquqini berish;

f) kredit bo'yicha ta'minot sifatida taqdim qilingan mulkning qadr, qiymati va likvidligi yo'qolganda; bozor narxi sezilarli pasayganda, o'z majburiyatlarini bajarmasligi xavfini orttiruvchi boshqa omillar yuzaga kelganda Bankni qanoatlantiradigan qo'shimcha ta'minotni taqdim etish;

g) agar mazkur Shartnoma amal qilish qilish muddatida garov sifatida taqdim etilgan mulkning garov qiymati garov mulki yo'qotilishi, nobud bo'lishi, shikastlanishi yoki talon-taroj qilinishi natijasida, shuningdek Bankga bog'liq bo'lmagan boshqa sabablarga ko'ra Qarz oluvchi (Birgalikda qarz oluvchi)ning majburiyatlari miqdoridan kamaysa, garovni almashtirish, boshqa ekvivalent garov bilan ta'minlash yoki kreditning ta'minlanmagan miqdorini muddatidan oldin to'lash;

h) Bank tomonidan talab qilingan to'lov qobiliyati, kreditni qaytarish kafolatlarining ishonchliligini tasdiqlovchi va avtokreditini ajratish uchun zarur bo'lgan hujjatlarni taqdim etish;

i) Bankning birinchi talabiga binoan mazkur Shartnoma hamda unga tegishli hujjatlar ijrosini amalga oshirish bilan bog'liq barcha xarajatlarni qoplash;

j) Bank vakillariga muntazam ravishda o'tkaziladigan monitoring ishlariga qarshilik ko'rsatmaslik, kredit hisobiga sotib olingan avtotransport vositasini borib ko'rish, holatini, saqlanish sharoitlarini va foydalanilishini tekshirish imkoniyatini ta'minlash;

k) yashash joyi, ish joyi, telefon raqami, familiyasi, yoki ismi va mazkur Shartnoma bo'yicha majburiyatlarning bajarilishiga ta'sir qiladigan boshqa holatlarning o'zgarganligi haqida 3 (uch) bank kuni ichida Bankga ma'lumotnoma taqdim etish;

m) avtotransport vositasini lozim darajada asrash uchun, shu jumladan uni o'z vaqtida joriy ta'mirlashni o'tkazish, undan oqilona foydalanish hamda uni boshqa shaxslarning qonunga xilof tajovuzlari va talablaridan himoya qilish uchun o'z hisobidan barcha zarur choralarni ko'rish;

n) avtotransport vositasini yo'q bo'lib ketishi, shikastlanishi, buzilishi yoki holati yomonlashuviga olib keluvchi har qanday xavf-xatar, shuningdek Bankning garov ta'minoti bilan bog'liq huquqlariga salbiy ta'sir ko'rsatishi mumkin bo'lgan har qanday holat to'g'risida Bankni o'z vaqtida yozma shaklda xabardor qilish;

o) Garov reestriga yozuv kiritishga o'zining yozma roziligi taqdim etish;

p) mazkur Shartnoma hamda O'zbekiston Respublikasining amaldagi qonunchiligida

nazarda tutilgan boshqa majburiyatlar.

9. MUDDATI O‘TIB KETGAN QARZDORLIK KELIB CHIQQANDA BANKNING QARZ OLUVCHI (BIRGALIKDA QARZ OLUVCHI) BILAN O‘ZARO MUNOSABATLARINI AMALGA OSHIRISH TARTIBI

9.1 Mazkur Shartnoma bo‘yicha muddati o‘tgan qarzdorlik yuzaga kelgan hollarda Bank ushbu Shartnomada Qarz oluvchi (Birgalikda qarz oluvchi) bilan kelishilgan har qanday aloqa usullaridan, shu jumladan elektron aloqa vositalaridan yoki qonun hujjatlarida nazarda tutilgan boshqa usullardan foydalangan holda qarz yuki yanada oshib ketishining oldini olish maqsadida Qarz oluvchi (Birgalikda qarz oluvchi)ni muddati o‘tkazib yuborilgan qarzdorlik yuzaga kelganligi haqida xabar berishi shart.

9.2 Bank qonun hujjatlari talablarini hisobga olgan holda Qarz oluvchi (Birgalikda qarz oluvchi)ga Shartnoma bo‘yicha muddati o‘tkazib yuborilgan qarzdorlikni qaytarish majburiyatlari bajarilmaganligi holati, muddati, summalari, tarkibi va oqibatlari haqida xabardor qilishi shart.

9.3 Qarz oluvchi (Birgalikda qarz oluvchi) Shartnoma bo‘yicha asosiy qarzni qaytarish va (yoki) foizlarni to‘lash muddatlarini buzganda, Bank nizoni sudgacha hal qilish yuzasidan talabnoma yuboradi.

9.4 Bank tomonidan yuborilgan talabnoma quyidagi ma’lumotlarni o‘z ichiga olishi kerak:
Bankning nomi va uni identifikatsiyalash uchun yetarli ma’lumotlar;
talabnoma rasmiylashtirilgan sanadagi Qarz oluvchi (Birgalikda qarz oluvchi)ning joriy qarzi miqdori va tarkibi;

qarzni to‘lash usul(lar)i;

qarzni to‘lash lozim bo‘lgan muddat (o‘n kundan kam bo‘lmasligi lozim);

qarz oluvchi (birgalikda qarz oluvchi)ning talabnomada ko‘rsatilgan muddatgacha o‘z majburiyatlarini bajarmasligi oqibatlari;

nizoni sudgacha hal qilish usullari.

9.5 Bank va Qarz oluvchi (Birgalikda qarz oluvchi) qonun hujjatlarida nazarda tutilgan nizolarni sudgacha hal qilish usullarini qo‘llash, shu jumladan muzokaralar olib borish huquqiga ega.

9.6 Agar Qarz oluvchi (Birgalikda qarz oluvchi) nizoni sudgacha hal qilish to‘g‘risidagi talabnomada ko‘rsatilgan muddat ichida talablarni tegishli darajada bajarmagan bo‘lsa, Bank qarzni to‘liq undirish va undiruvni garovga qaratish to‘g‘risida talab bilan sudga murojaat qilishga haqlidir.

10. TOMONLARNING JAVOGBARLIGI

10.1 Mazkur Shartnoma doirasida ajratilgan kredit bo‘yicha muddati o‘tgan qarzdorlik yuzaga kelgan taqdirda, kredit bo‘yicha foiz stavkasi kredit mablag‘laridan foydalanganlik uchun foiz stavkalariga nisbatan oshadi.

10.2 Oshirilgan foizlar haqiqiy kechiktirilgan to‘lovlar miqdoridan kelib chiqqan holda hisoblanadi.

10.3 Qarz oluvchi (Birgalikda qarz oluvchi) ushbu Shartnoma bo‘yicha har qanday to‘lovni kechiktirgan taqdirda, Qarz oluvchi (Birgalikda qarz oluvchi) Bankga kechiktirilgan to‘lov yuzaga kelgan kundan boshlab va muddati o‘tgan to‘lov Bankga to‘liq qoplanadigan kungacha quyidagi stavka bo‘yicha kechiktirilgan to‘lov uchun foizlarni to‘laydi:

asosiy qarzning muddati o‘tgan qismi bo‘yicha _____ miqdorida.

10.4 Mazkur Shartnoma va Kreditni to‘lash (qaytarish) jadvalida belgilangan muddatlarda kredit bo‘yicha foizlarni to‘lamaganligi uchun Qarz oluvchi (Birgalikda qarz oluvchi) Bankga qarzdorlik kechiktirilgan kundan boshlab to qarzdorlik qoplangan kunga qadar kechiktirilgan har bir kun uchun to‘lanmagan foizlar miqdorining 0,1% miqdorida, biroq kechiktirilgan qarzdorlikning 50% dan oshmagan miqdorda penya to‘laydi. Penyalarni to‘lash Qarz oluvchi (Birgalikda qarz oluvchi)ni qarzdorlikni to‘lash majburiyatidan ozod qilmaydi.

10.5 Qarz oluvchi (Birgalikda qarz oluvchi) kredit hisobiga sotib olingan avtomobilni avtomobil sotuvchidan qabul qilib olingan kundan boshlab 10 kalendar kun ichida garovga qo‘ymasa, har bir kechiktirilgan kun uchun qarz qoldig‘idan 0,02%, lekin qarz qoldig‘ining 50 foizidan oshmagan miqdorda Bankka penya to‘laydi, penyani to‘lash Qarz oluvchi (Birgalikda qarz oluvchi)ni kelgusida kelib chiqadigan majburiyat va boshqa oqibatlardan ozod qilmaydi.

Qarz oluvchi (Birgalikda qarz oluvchi) tomonidan kredit hisobiga sotib olingan avtomobilni garovga qo‘ymasdan begonalashtirish (sotib yuborish, yashirib qo‘yish va h.) holatlari aniqlangan taqdirda jinoyat ishi qo‘zg‘atish masalasini ko‘rib chiqish uchun tegishli hujjatlar huquqni muhofaza qiluvchi organlarga taqdim qilinadi.

10.6 Bank Qarz oluvchi (Birgalikda qarz oluvchi)ga kredit bo‘yicha muddati o‘tgan qarzdorlik yuzaga kelgan taqdirda foiz stavkasining oshishi holati to‘g‘risida xabar berish majburiyatini olmaydi.

10.7 Mazkur Shartnomada nazarda tutilmagan hollarda Tomonlar O‘zbekiston Respublikasining amaldagi qonunchiligiga muvofiq javobgar bo‘ladilar.

11. BILDIRISHNOMALAR

11.1 Bank tomonidan Qarz oluvchi (Birgalikda qarz oluvchi)ga berilgan har qanday bildirishnomalar/xatlar/talabnomalar Bank tomonidan quyidagi usullardan biri bilan yuborilganda (lekin O‘zbekiston Respublikasining amaldagi qonunchiligiga zid bo‘lmagan holda) tegishli tarzda rasmiylashtirilgan va Qarz oluvchi (Birgalikda qarz oluvchi)ga yetkazilgan deb hisoblanadi:

- kuryer yoki pochta xizmati orqali;
- Qarz oluvchi (Birgalikda qarz oluvchi) tomonidan arizada ko‘rsatilgan elektron pochta orqali;
- faks orqali;
- mobil va boshqa telefon aloqalari orqali (ishonchli raqam va qarz oluvchi tomonidan arizada ko‘rsatilgan boshqa raqamlardan foydalangan holda), shu jumladan sms-xabarnoma yuborish orqali.

11.2 Bank Qarz oluvchi (Birgalikda qarz oluvchi)ning aloqa ma‘lumotlari va (yoki) rekvizitlari o‘zgarganligi sababli Qarz oluvchi (Birgalikda qarz oluvchi)ning Bank tomonidan yozma ravishda xabardor qilmaganligi sababli xabarlarini olmaganligi yoki o‘z vaqtida olmaganligi uchun javobgar bo‘lmaydi.

12. AMALDAGI QONUNCHILIK VA NIZOLARNI HAL ETISH TARTIBI

12.1 Mazkur Shartnomaning qoidalari, shuningdek ulardan kelib chiqadigan tomonlarning huquq va majburiyatlari O‘zbekiston Respublikasining amaldagi qonunchiligiga muvofiq tartibga solinadi va sharhlanadi.

12.2 Agar ushbu Shartnoma bo‘yicha nizolar yuzaga kelsa, tomonlar nizolarni muzokaralar yo‘li bilan hal qilish uchun barcha harakatlarini amalga oshiradilar. Agar nizoni muzokaralar yo‘li bilan hal etish imkoni bo‘lmasa, Bank (bank xizmatlari ofisi, bank xizmatlari markazi) joylashgan

joydagi tegishli sudda ko‘rib chiqishga kelishib oldilar.

13. FORS-MAJOR HOLATLARI

13.1. Tomonlar ushbu Shartnoma bo‘yicha majburiyatlarning qisman yoki to‘liq bajarilmaganligi uchun, agar ushbu bajarilmaganlik Shartnoma tuzilgandan keyin, Tomonlar oldindan ko‘ra olishmagan, oqilona choralar bilan bartaraf etishi mumkin bo‘lmagan favqulodda tusdagi hodisalar natijasida vujudga kelgan yengib bo‘lmaydigan kuch holatlarining oqibatlarini hisoblansa, javobgarlikdan ozod etiladi.

13.2. Yengib bo‘lmaydigan kuch holatlariga asoslanadigan Tomon boshqa Tomonni bunday holatlar boshlanganligi to‘g‘risida yozma ravishda zudlik bilan xabardor qilishi shart, shu bilan birga istalgan Tomonning talabiga ko‘ra holatlarning boshlanishi faktini tasdiqlovchi, tegishli organ tomonidan berilgan hujjat taqdim etilishi kerak.

13.3 Tomonlar favqulodda vaziyatlarda o‘z majburiyatlarini bajarish uchun barcha mumkin bo‘lgan choralarni, shu jumladan, O‘zbekiston Respublikasining amaldagi qonunchiligida nazarda tutilgan choralarni ko‘radilar.

14. KORRUPSIYAGA QARSHI SHARTLAR

14.1 Tomonlar shartnoma tuzish, shartnomaning amal qilish muddatida va ushbu muddat tugaganidan so‘ng shartnoma bilan bog‘liq korrupsiyaviy harakatlarni sodir qilmaslikka kelishib oldi.

14.2 Tomonlar ushbu Shartnomadagi korrupsiyaga qarshi qo‘shimcha shartlarda belgilangan korrupsiyaning oldini olish choralarini tan oladi va ularga rioya etilishi bo‘yicha hamkorlikni ta‘minlaydi.

14.3 Har bir tomon shartnoma tuzilgan paytda bevosita o‘zi yoki uning ijroiya organlari, mansabdor shaxslari va xodimlari tomonidan shartnoma bilan bog‘liq munosabatlar yuzasidan qonunga xilof ravishda pul, moddiy qiymatliklar berilmagani, shartnoma tuzilishi evaziga norasmiy pul yoki boshqa moddiy qiymatliklar olinishiga yo‘l qo‘yilmagani, taklif etilmagani, ularni berishga va‘da qilinmagani, shuningdek, moddiy yoki har qanday turdagi imtiyoz, ustunliklar olinmaganini (kelajakda bu turdagi harakatlarni amalga oshirishi mumkinligi haqida taassurot qoldirilmaganini) kafolatlaydi.

15. SANKSIYALAR RO‘YXATIGA OID QO‘SHIMCHA SHARTLAR

15.1 Qarzdor/mijoz bank hisobvarag‘i bo‘yicha bank operatsiyalarini amalga oshirishda Sanksiyalar ro‘yxati bilan bog‘liq cheklov va taqiqlarga qat‘iy rioya qilinishini ta‘minlaydi va kafolatlaydi. Mazkur Shartnoma imzolanishi bilan Qarzdor/mijoz tomonidan Sanksiyalar ro‘yxati bilan bog‘liq cheklov va taqiqlarga rioya qilinishi kafolatlangan hisoblanadi.

15.2 Qarzdor/mijoz Sanksiyalar ro‘yxatiga kiritilgan shaxslar bilan, shuningdek ularning manfaatini ko‘zlab ish yuritishi mumkin degan asosli taxmin mavjud bo‘lgan har qanday shaxslar bilan kelishuv, bitim, shartnoma imzolamaydi.

15.3 Qarzdor/mijoz Sanksiyalar ro‘yxatiga kiritilgan shaxslarga yoki ularning manfaati uchun har qanday kelishuv, bitim, shartnoma bo‘yicha to‘lovlarni amalga oshirmaydi.

16. YAKUNIY QOIDALAR

16.1 Mazkur Shartnoma Tomonlar imzolagan kundan boshlab kuchga kiradi va Qarz oluvchi (Birgalikda qarz oluvchi) o‘z zimmasiga olgan barcha majburiyatlarni to‘liq bajargunga qadar amal qiladi.

16.2 Agar qonun hujjatlariga biron bir o'zgartirish kiritilsa, natijada ushbu Shartnomaning har qanday qoidalariga O'zbekiston Respublikasi qonunchiligiga muvofiq bo'lmasa, Shartnomaning boshqa qoidalarining bajarilishiga ta'sir qilmaydi va eng qisqa vaqt ichida qoidaning mazmuni va maqsadlariga eng yaqin bo'lgan boshqa qoida bilan almashtiriladi.

16.3 Tomonlarning har biri mazkur Shartnomaning mavzusi va shartlari bilan bog'liq bo'lgan ma'lumotlarning qat'iy maxfiylikini saqlash hamda ushbu ma'lumotlarning oshkor qilinishidan himoyalash uchun barcha choralarni ko'rish majburiyatlarini o'z zimmasiga oladi. Bunday axborotni uchinchi shaxslarga topshirish (e'lon qilish yoki oshkor qilish va h. k.) faqat O'zbekiston Respublikasi qonun hujjatlarida to'g'ridan to'g'ri nazarda tutilgan hollarda yoki boshqa tomonning yozma roziligi bilan mumkin bo'ladi.

16.4 Ushbu Shartnoma bo'yicha majburiyatlarni bajarishdan bir tomonlama voz kechishga yo'l qo'yilmaydi.

16.5 Bank o'z xohishiga ko'ra, Qarz oluvchi (Birgalikda qarz oluvchi)ga nisbatan ushbu Shartnomada mavjud bo'lgan har qanday huquqlarni qo'llashi yoki qo'llamasligi mumkin. Bank tomonidan ushbu huquqlarni qo'llamaslik yoki qisman qo'llash ushbu huquqlardan voz kechishni anglatmaydi va ular keyinchalik istalgan vaqtda qo'llanilishi mumkin.

16.6 Ushbu Shartnomaga kiritilgan barcha o'zgartirish va qo'shimchalar yozma ravishda rasmiylashtiriladi, Qarz oluvchi, Birgalikda qarz oluvchi va Bank tomonidan imzolanadi.

16.7 Mazkur Shartnomaga kiritilgan barcha o'zgartirishlar va qo'shimchalar uning ajralmas qismi hisoblanadi.

16.8 Mazkur Shartnoma har biri bir xil yuridik kuchga ega bo'lgan, har bir Tomon uchun bittadan 3 nusxada tuzilgan.

17. TOMONLARNING MANZILLARI VA REKVIZITLARI

20__ yil "___" _____ dagi _____-son
kredit shartnomasiga

ILOVA

Kreditni qaytarish va foiz to'lovi JADVALI

(so'm va tiyinda)

Kredit qiymati		_____ so'm				
Kreditning foiz stavkasi (yillik hisob asosida)		____%				
Kredit muddati		___ o'yl				
No	Qaytarish sanasi	Asosiy qarz qiymati	Qaytariladigan asosiy qarz	Kredit qoldig'i	Foiz to'lovi	Kredit bo'yicha umumiy to'lov
1	00.00.0000					
2	00.00.0000					

3	00.00.0000					
4	00.00.0000					
5	00.00.0000					
6	00.00.0000					
7	00.00.0000					
8	00.00.0000					
9	00.00.0000					
10	00.00.0000					
11	00.00.0000					
12	00.00.0000					
...	...					
48	00.00.0000					
Jami				x		

Tomonlarning pochta manzili va rekvizitlari

Bank:

Manzili: _____
Tel.: _____ STIR: _____
Bank kodi: _____
Bank hisobvarag'i: _____
Boshqaruvchi (boshliq): _____
Muhr

Qarzdor/mijoz:

Manzili: _____
Telefon: _____
STIR: _____
Shaxsni tasdiqlovchi hujjat ma'lumotlari: _____

Imzo: